

Broj: 09-11-6-8-8336-12/24
Sarajevo, 27.11.2024. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 03-04-3-1582/24 od 28.02.2024. godine, federalni ministar financija/finansija **d o n o s i**

**Odluku o izboru najpovoljnijeg ponuđača za javnu nabavku roba –
LOT 1 – NABAVA KOMPJUTERA
za potrebe Federalnog ministarstva financija/finansija**

I

U cilju odabira najpovoljnijeg ponuđača, nakon provedenog otvorenog postupka javne nabavke roba – LOT 1 – Nabava kompjutera za potrebe Federalnog ministarstva financija/finansija, evidencijski broj nabavke: 09-11-6-8-8336-1/24, broj Obavještenja o nabavci sa portala javnih nabavki: 810-1-1-44-3-25/24 od 23.10.2024. godine, Sažetak Obavještenja o nabavci objavljen u „Službenom glasniku BiH – Oglasnik javne nabavke“, broj: 72/24, kao najpovoljnija prihvatljiva ponuda ocijenjena je ponuda ponuđača:

- **PING d.o.o. Sarajevo, s ukupnom cijenom ponude bez PDV-a u iznosu 86.950,00 KM, nakon okončane e-aukcije.**

II

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora, ponuđač je ponudio najnižu cijenu nakon okončane e-aukcije.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objaviti će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak javne nabavke pokrenut je Odlukom o pokretanju postupka, broj: 09-11-6-8-8336/24 od 15.10.2024. godine. Javna nabavka provedena je putem otvorenog postupka i podijeljena je na 2 (dva) lot-a. Ukupna procijenjena vrijednost nabavke iznosila je 90.000,00 KM bez PDV-a i predviđena je Planom javnih nabavki za 2024. godinu Ministarstva - dio Robe pod rednim brojem 5. – Nabava računarske opreme. Procijenjena vrijednost nabavke za LOT 1 iznosila je 87.350,00 KM bez PDV-a. Obavijest o nabavci broj: 810-1-1-44-3-25/24 poslana je na objavu 23.10.2024. godine, te je zajedno sa Tenderskom dokumentacijom istog dana objavljena na portalu javnih nabavki. Tendersku dokumentaciju preuzela su 34 privredna subjekta, a 4 ponuđača dostavila su ponude u predmetnom postupku nabavke za LOT 1. Ponude su dostavljene blagovremeno od strane ponuđača: EMADO d.o.o. Sarajevo, PING d.o.o. Sarajevo, PR „MEDIA MARKET“ Prijedor i FIXIT d.o.o. Sarajevo.

Komisija za javne nabavke, imenovana Rješenjem, broj: 03-04-3-1582/24 od 28.02.2024. godine, izvršila je pregled i evaluaciju pristiglih ponuda, te konstatirala da od ukupno četiri zaprimljene ponude, tri su prihvatljive i to ponude ponuđača: EMADO d.o.o. Sarajevo, PING d.o.o. Sarajevo i FIXIT d.o.o. Sarajevo.

Ponuda ponuđača PR „MEDIA MARKET“ Prijedor ocijenjena je neprihvatljivom iz sljedećih razloga: - U Tenderskoj dokumentaciji, tačka 12.2. c) u svrhu dokazivanja tehničke i profesionalne sposobnosti ponuđača, u skladu sa članom 49. Zakona, između ostalog, traženo je da ponuđači dostave „...Opise i/ili fotografije roba koje su predmet ove nabavke i koji moraju biti vidno obilježeni.....“

Pregledom Ponude, konstatovano je da Ponuđač nije dostavio tehničku/katalošku dokumentaciju u kojoj treba da budu vidno obilježeni opisi i/ili fotografije roba koje su predmet nabavke.

- U Tenderskoj dokumentaciji, tačka 12.2. c) u svrhu dokazivanja tehničke i profesionalne sposobnosti ponuđača, u skladu s čl. 48 i 49. tačka a) Zakona, je dužan dostaviti Spisak najmanje jednog uredno izvršenog ugovora u prethodne tri godine ili od datuma registracije, odnosno od početka poslovanja, ako je ponuđač registriran, odnosno počeo s radom prije manje od tri godine, čiji su karakter i kompleksnost isti ili slični onom koji se odnosi na predmetnu nabavku, sa ukupno ugovorenom vrijednošću u visini procijenjene vrijednosti ove nabavke za LOT 1, uz Potvrdu o njegovoj realizaciji koju daje druga ugovorna strana. Pregledom Ponude, konstatovano je da je Ponuđač dostavio tri potvrde o uredno izvršenim ugovorima, od kojih niti jedan nije u visini procijenjene vrijednosti nabavke, kako je traženo Tenderskom dokumentacijom.

Nakon izvršenog pregleda i evaluacije pristiglih ponuda, Komisija je dostavila federalnom ministru financija/finansija Zapisnik o pregledu i ocjeni ponuda za LOT 1, broj: 09-11-6-8-8336-10/24 od 26.11.2024. godine zajedno sa Preporukom o izboru najpovoljnijeg ponuđača PING d.o.o. Sarajevo, sa registriranim sjedištem u Sarajevu, ID broj: 4200070010007.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije. U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka l) podtačka 1) Zakona o javnim nabavkama za LOT 1, a u skladu sa kriterijem za dodjelu ugovora, ponuđač je ponudio najnižu cijenu nakon okončane e-aukcije.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



Dostaviti:

1. *Svim ponuđačima u postupku*
2. *U dokumentaciju Komisije*
3. *Sektoru za ekonomske, finansijske i zajedničke poslove*
4. *a/a*